

**Pinerluttunut isumaginnitqarfiup inissiisarfíni inissitat
sulisitaanerat ilinniartinneqarnerallu il.il. pillugit
nalunaarut (sulisitaanermik nalunaarut)**

Kalaallit Nunaanni pinerluttulerineq pillugu inatsimmi § 213, imm. 2, inatsit nr. 306, 30. april 2008-meersoq naapertorlugu aalajangersarneqarpoq:

Kapitali 1

*Sulisitaaneq
Sulisitaaneq sulisitaanissamullu pisussaatitaaneq*

§ 1. Inissitat suliani, ilinniartitaanerni imaluunniit sammisassani akuerisaasuni allani peqataanermikkut sulisitaanissaminnut pisinnaatitaallutillu pisussaaffeqarput. Pisuni ataasiakkaani iluaqtissaasorinerneruppat sulisitaanissamut pisussaatitaaffik nammineq suliaqarnikkut naammassiniarneqarsinnaavoq, tamannalu inissiiffiup nammineq nakkutillieneratigut ingerlanneqarsinnaalluni. Suliassat pinerluttulerineq pillugu inatsimmi § 211-mi malerauqqusat malillugit toqqarneqartassapput.

Imm. 2. Inissiiffimmi taassumaluunniit avataani aningaasarsiutigalugu sulinissamut akuersissutip attatiinnarnissaanut piumasaqaataavoq inissinneqartup tamatumunnga malerauqqusat malillugit ineqarnerminut akiliuteqartarnissa, tak. pinerluttulerineq pillugu inatsimmi § 244 aammalu Pinerluttunut Isumaginnitqarfiup inissiisarfíni najugaqarnermut akiliineq pillugu nalunaarut.

*Pinerluttunut isumaginnitqarfiup inissiisarfíni piffissaq sulisitaanermut
atorneqartoq*

§ 2. Inissiisarfímmi sulisitaanermi inissitap piffissaq tamatumunnga atugassaa suliffeqarnermi periutsit sukkulluunniit atuuttut malillugit, tassunga ilanggullugu qaangiuttoortarnermut periutsit malillugit sivisussuseqartinneqassaaq.

Imm. 2. Sulisitaaneq sapaatip akunnerata ulluini siullerni tallimani pissaaq aammalu ulluni taakkunani tamani sivikinnerpaamik akunnernik arfineq marlunniq sivisussuseqassalluni. Inissiisarfínni sulisitaanermi piffissaq atorneqartoq tamanna Pinerluttunut Isumaginnitqarfiimmí pisortap akuersinerata kingorna aatsaat allangngortinneqarsinnaavoq.

Imm. 3. Piffissami suliffiusumi minutini 29-ni nerinissamut unillatsiartoqartassaaq. Tamatuma saniatigut ullaap ualilluunniit nalaanni sivisunerpaamik minutini 15-ini sivikinnerusumik unillatsiartoqartassaaq, tamanna sulinerup ajornartinngippagu.

Imm. 4. Inissitat nallittuni sulisitaasannginnerat nalinginnaasuuvooq.

§ 3. Inissitat upperisartik pissutigalugu ullut ilaanni sulisitaaqusaanngitsillugit piffissaq sulisitaaffik ima aaqqissuunneqassaaq ulluni taamaattuni sulisitaassanatik. Piffissap sulinermut atorneqartartup eqquutsinnejarnissaanut allatut iliuseqartoqassappat tamanna inissiisarfímmi aalajangerneqassaaq.

Kapitali 2

Aningaasarsiat Tunngaviusumik aningaasarsiat

§ 4. Inissiisarfik sulisitaanerup nalaani akunnermut ataatsimut tunngaviusumik aningaasarsiaqartitsissaq, tak. § 20.

§ 5. Suliassaasueq pissutigalugu inissiisarfiup inissitaq suliassaqartinngippagu akunnermut ataatsimut tapertaqanngitsumik tunngaviusumik aningaasarsiaqartitsisoqassaaq, tak. § 4.

Tapit

§ 6. Sumiiffimmi sulisitaaffimmi ataatsimi sapaatip akunnerini sisamani sulisitaanerup kingorna aalajaatsumik sulinermut akunnermut ataatsimut tapisianik inissiisarfik akiliuteqarsinnaavoq, tak. § 20, inissitap naammaginartumik suliaqarnera sulinerminilu aalajaannera tunngavissaatillugu.

Imm. 2. Inissitaq imm. 1-imi piumasaqaatinik naammassinnittooq sulisitaaffimmi ataatsimi sapaatip akunnerini arfineq pingasuni suleqqinnermi kingorna akunnermut ataatsimut piginnaasat malillugit tapisiaqartoqarsinnaavoq, tak. § 20. Inissitap sulinikkut piginnaasaasa aalajangersimasumik nalilerneqarnissaat tapinik tunniussinissamut piumasaqaataavoq.

Imm. 3. Inissitaq suliamik ilinniagaqarsimappat aammalu suliap tamatuma iluani sulisitaappat sapaatip akunnerini aqqaneq marlunni sulisitaanissamik imm. 2-mi piumasaqaat apeqqutaatinnagu inissiisarfik sulisitaanerup aallartinneraniilli piginnaasat malillugit tapisiaqartitsisinnaavoq.

§ 7. Sulianut immikkut piumasaqarfiusunut nal. 17.00 aamma 6.00-ip akornanni imaluunniit arfininngorerni, sapaatini nalliuttunilu ingerlanneqartunut atatillugu akunnermut ataatsimut persaqquusersornermut tapisiaqartitsisoqassaaq, tak. § 20.

§ 8. Ulluinnarni piffissap suliffiusup saniatigut sulinissamik piumasaqaataasunut suliassaqarfimmi pineqartumi aalajangersarneqartunut atatillugu qaangiuttoornermut tapisiaqartitsisoqassaaq, tak. § 20, aalajaatsumik sulinermut aammalu piginnaasat malillugit tapisiaasinnaasut ilanngullugit tunngaviusumik aningaasarsiat procentiata ilaanik annertussusilerneqartunik.

§ 9. Ullunut nalliuttorsiorfiusunut tamanut ulluni nalinginnaasumik suliffiusuni nalliussineqartunut atatillugu, tak. § 2, imm. 4, sapaammi nalliuttunilu tapisiaqartitsisoqassaaq, tak. § 20, inissitaq ulloq nalliuttorsiorfiusoq nallertinnagu ullut suliffiusut kingulliit pingasut sulisimappat, taamaattorli tak. imm. 2.

Imm. 2. Inissitat suliassaqartinneqarnatik sulisitaasimannngitsut aammalu inissinneqaqqammersut sapaatip nalliuttulluunniit nalliutinnginneranni suliassaqartinneqanngitsut imm. 1-imi aalajangersagaq apeqqutaatinnagu sapaammi nalliuttunilu tapisiaqartinneqassapput.

Kapitali 3

Napparsimaneq allatullu akuerisaasumik sulinnginneq

§ 10. Inissitaq napparsimanini pissutigalugu sulinngippat inissiiffik napparsimanersiutinik akiliissaaq, tak. § 20. Sulinnginneq sulisitaanermi ajoquusernermik pissuteqarpat ullormi nalinginnaasumik sulisitaaffimmik aningaasarsiat amerlaqataannik aningaasarsiaqartitsisoqassaaq.

Imm. 2. Napparsimasoqartillugu ullormut napparsimaffiusumut tamakkiisumut siullermut aallaqqaammut akiliisoqassaaq aammalu sivisunerpaaamik sapaatip akunneranut ullunut napparsimaffiusunut tallimanut aningaasarsiaqartitsisoqassalluni.

§ 11. Inissitaq napparsimmaavimmi uninngappat § 10, imm. 1 naapertorlugu napparsimanersiuteqartitsisoqassaaq, pineqartoq pinerluttunut isumaginnitqarfiup inissiisarfiani sulisitaanngippat imaluunniit nammineq suliaqanngippat.

§ 12. Inissitaq inissiiffiup akuersineratigut napparsimanani immikkut pissutissaqarluni sulisinneqanngikkallarpal aningaasarsiaminit ilanngaanneqassanngilaq.

§ 13. Pineqaatissinneqarsimasunut inissiisarfuit isertitsiviillu akornanni imaluunniit inissiisarfuit taakku akornanni nuussinermi inissiiffik inissitap nuuffigisaa ullormi inissiiffiusumi aningaasarsiassanik nuussissaaq ullormut nalinginnaasumik suliffiusumut aningaasarsiarititat amerlaqataannik.

Imm. 2. Ullormi iperagaaffiusumi ullormut nalinginnaasumut aningaasarsiarititat amerlaqataannik aningaasarsiaqartitsisoqassaaq iperagaanik nal. 12.00-ip kingorna pippat. Iperagaaneq piffissaq taanna sioqqullugu pippat aningaasarsiaqartitsisoqassanngilaq.

Kapitali 4

Inortuineq, takkutinngitsoorneq imaluunniit suliffigisamit qimaaneq

§ 14. Inissitaq inortuippat, takkutinngitsoorpat imaluunniit suliffigisaminit qimaappat akunnernut aallartittunut tamanut inissiiffik aningaasarsianit ilanngaassissaaq.

Imm. 2. Inissitaq arlaleriarluni inortuippat takkutinngitsoorpalluunniit imaluunniit arlaleriarluni qimaappat aammalu peqannginnerit tamarmik ulloq naanagu sivisussuseqarpata inissitaq aningaasarsiaqartinngiqarnani ullup sinnera angerlartinngiqarsinnaavoq. Sukannererumik pisoqartillugu inissitaq soraarsinneqarsinnaavoq aammalu allamik sulisitaanissamut innersuunneqarluni.

Imm. 3. Inissitaq ulloq tamaat sivisunerusumilluunniit takkutinngitsoorpat inissitaq suliffigisamit soraarsinneqarsinnaavoq aammalu allamik sulisitaanissamut innersuunneqarluni. Aamma tamanna atuuppoq inissitanut naammaginartumik suliaqanngitsunut imaluunniit suliffigimmi allatut akuerineqarsinnaanngitsumik pissusilfersortunut.

Imm. 4. Inuk sulisussaatitaasoq takkutinngitsoorpat, tak. § 1, aammalu ullormi ataatsimi sivisunerusumilluunniit peqanngippat pineqartoq piumasarisanik

unioqqutitsineq pillugu akiliisitaanermik pineqaatissinnejarsinnaavoq, tak. pinerluttulerineq pillugu inatsimmi § 226, nr. 3. Taamaattorli pinerluttunut isumaginnitoqarfip inissiffisiaani inissinneqarsimasunut tamanna atuutinngilaq.

Imm. 5. Inissitaq inissiisarfip ingerlataani akuerisaasuni sulisitaanissaminik piumannngippat piffissami suliffiusumi nammineq iniminiissaq imaluunniit sumiiffissatut innersuunneqartumi inissismassalluni.

§ 15. Inissitaq arlaleriarluni inortuippat, takkutinngitsoorpat, qimaappat imaluunniit allamik sulisitaanissamut innersuunneqarpat § 6 malillugu tapisiat atorunnaassapput pineqartup naammaginartumik suliaqannginnera pissutigalugu. Aamma tapisiat atorunnaassapput inissitaq allamik sulisitaalerpat, allamik sulisitaalerneq inissiisarfimmi pissutsit pissutigalugit pinngippat imaluunniit sulisitaanerup pilersaarusrioneqarnerata ilagippagu.

Imm. 2. Inissitaq suliamik ilinniarsimasuugaluarluni tapisiaqarnissamut piumasaqaatinik eqquutsitsinngippat § 6, imm. 3 malillugu tapisiat atorunnaarsinnejassapput.

Imm. 3. Imm. 1 malillugu inissitap tapisiaqarunnaarsinnejarnissaanut taarsiullugu tapimut ataatsimut tamanulluunniit atatillugu inissiiffip inissitaq sapaatip akunneri marluk angullugit tapisiaqarunnaartissinnaavaa.

Kapitali 5

Nammineq atugassat Aningaasaat nerisassanut atugassat

§ 16. Inissitaq nerisaqarnerminut nammineq akiliissatillugu inissiiffik aningaasanik ullormut ataatsimut nerisassanut atugassanik tunniussissaq, tak. § 20. Inissitat anisinnaatitaasut anisinnaatitaaneq pillugu nalunaarummi §§ 18, 21 aamma 27 malillugit taakku amerlaqataannik aningaasanik nerisassanut atugassanik tunineqarsinnaavoq, pineqartoq inissiiffimmi nerisaqartinnejangippat.

Imm. 2. Ilaannakortumik imminut nerisaqartinnermi aningaasat nerisassanut atugassat procentiisa ilaat imm. 1 malillugu tunniunnejassapput, taamaalilluni ullaakkorsiutinut 20 %-it, ullup qeqqanut 40 %-it unnukkorsiutinullu 40 %-it naatsorsorlugit.

Imm. 3. Inissiisarfik imm. 1 malillugu aningaasanik nerisassanut atugassanik makkununnga tunniussineq ajorpoq

- 1) inissitanut napparsimmavimmi uninngasunut, inissitaq inissifissiami aalakoortunullu isertsvimmi imaluunniit tamakkua avataanni aningaasarsiutigisaminik suliaqartoq imaluunniit inuuniarnerminut aningaasanik naalakkersuisunit pisartagaqartoq ineqarnerminut akiliissaq
- 2) inissitanut inissiisarfimmi taassumaluunniit avataani aningaasarsiutigisaminik suliaqartunut imaluunniit inuuniarnerminut aningaasanik pisortanit pisartagaqartunut, tak. pinerluttulerineq pillugu inatsimmi § 244, imm. 1.

Imm. 4. Taamaattorli imm. 3, nr. 2 malillugu sulinermi isertitat pisortanilluunniit pisartakkat kapitali 2 malillugu aningaasat inissitanut pineqaatissinnejarsimasunulluunniit pinerluttunut isumaginnitoqarfip inissiisarfiani sulisitaasunut aningaasarsiatarneqartut sinninngippatigit pinerluttunut isumaginnitoqarfip inissiisarfipi ineqarnermut akiliuteqartarneq pillugu nalunaarummi § 3, imm. 1 naapertorlugu aningaasanik nerisassanut atorneqartussanik tunniussisoqassaaq.

Imm. 5. Inissitap assersuutigalugu akiitsoqarnini pissutigalugu aningaasat nerisasanut atugassat nerisassanik pisinermut atunngikkai pisuni aalajangersimasuni inissiiffiup nalilerpagu inissiisarfik aningaasaniq nerisasanut atugassanik tunniussinissamut taarsiullugu inissitamut nerisassanik tunniussisinnaavoq.

Aningaasat nammineq aqtassat

§ 17. Inissitanut inuttut atugassanik annikinnerusunik, imminut eqpiarnermut atortussanik, nakorsaatnik aatsaat allagartaleqqaarluni pissarsiarineqartariaqanngitsunik aammalu nammineq atisarisat errornissaannut errorsinermut qaqorsaatnik, nujalerisumiinnissamut il.il. atugassanik inissiisarfimmit pissarsineq ajortunut ullormut inissinneqarfimmut ataatsimut aningaasaniq nammineq aqtassanik inissiisarfik tunniussissaaq, tak. § 20.

Imm. 2. Errorsiveqannginnera pissutigalugu inissitaq nammineq atisaminik il.il. errorsinissaminut periarfissaqanngippat tamatumunnga atugassanik aningaasaniq nammineq atugassanik tunniussisoqassaaq, tak. § 20.

Imm. 3. Inissitaq aningaasaniq nammineq aqtassanik tunineqartoq nujaleritinnissamut aningaasaniq aalajangersimasumik annertussusilerneqartunik annertunerpaamik akilissaaq, tak. § 20, inissitap inissiiffiup nujalerisua atorpagu. Nujalerisumut akissat aningaasaniq taakkunanit amerlaneruppata assigiinnigissutaa inissiiffimmit akilerneqassaaq.

Imm. 4. Pisunut § 16, imm. 3-mi taaneqartunut atatillugu inissiiffik aningaasaniq nammineq atugassanik tunniussineq ajorpoq, taamaattorli tak. § 16, imm. 4.

Kapitali 6

Tunniussassat il.il.

Siumoorutissat

§ 18. Sulinermi aningaasariat napparsimanersiutillu sapaatip akunnikaartumik kingumut atuuttimik tunniunneqartassapput, taamaattorli tak. imm. 2.

Imm. 2. Inissinneqarnermi inuulluarniutinik il.il. pisinissamut aningaasaniq siumoortumik tunniussisoqassaaq, tak. § 20.

Imm. 3. Aningaasat siumoortumik tunniunneqartut inissitap sapaatip akunnerini tulliuttuni sulinermint aningaasarsiaanit sapinngisamik ilanngaatigineqartassapput.

Imm. 4. Aningaasat siumoortumik tunniunneqartut matussuserneqarnissaannut inissitaq akuersiseqqaarnagu sulinermint aningaasariat 50 %-ii sinnerlugit ilanngaassisooqarsinnaanngilaq. Taamaattorli iperagaanissaq sioqqullugu aningaasarsinermut kingullermut atatillugu aningaasat siumoortumik tunniunneqartut matussutissaannik ilanngaassisooqarsinnaavoq.

§ 19. Nerisasanut aningaasat aningaasallu nammineq aqtassat sapaatip akunnikaartumik siumoortumik tunniunneqartassapput.

Imm. 2. Inissinneqarnermi aningaasaniq amerlanerusunik siumoortumik tunniussisoqarsinnaavoq, tak. § 20. Aningaasat siumoortumik tunniunneqartut aningaasat inissitap nerisaqarnermut namminerlu aqtassaatut tunniunneqartut aningaasaniq tunniunneqartussanit marluusunit tulliuttunit sapinngisamik ilanngaatigineqartassapput.

Imm. 3. Inissitaq § 16, imm. 3, nr. 2 aammalu 16, imm. 3, nr. 3 tapertaralugu § 17, imm. 4 malillugit aningaaasanik nerisassanut atugassanik namminerluunniit aqtassanik pisinnaatitaanngippat aningaaasartuutit matussuserneqarnissaannut aningaaasanik nerisassanut atugassanik namminerluunniit aqtassanik inissiisarfik taarsigassarsisitsisinnaavoq tullianik aningaaasarsisoqarnissaata pisortanilluunniit pisartakkanik tunniussisoqarnissaata tungaanut.

Kapitali 7

*Aalajangersakkat assigiinngitsut
Maleruagassat*

§ 20. Nalunaarummi § 4, § 6, imm. 1 aamma 2, §§ 7-9, § 10, imm. 1, § 16, imm. 1, § 17, imm. 1-3, § 18, imm. 2, aamma § 19, imm. 2-mi aningaaasat taaneqartut Kalaallit Nunaanni pinerluttunut isumaginnittoqarfíup inissiisarfíini inissinneqarsimasunut aningaaasarsiititat annertussusissaat pillugit nalunaarummi aalajangersarneqassapput.

Imm. 2. Aningaaasat ukiumut ataasiarlugit iluarsiivigineqartassapput.

Atuutilerfia il.il.

§ 21. Nalunaarut ulloq 1. januar 2010-mi atuutilerpoq.

§ 22. Inuit ulloq 1. januar 2010 sioqqullugu inissiisarfíimi sulinerminni S.I.K. malillugu aningaaasarsiallit ulloq 1. april 2010-p tungaanut S.I.K. malillugu aningaaasarsiaqaannassapput.

Imm. 2. Immikkut pisoqartillugu piffíssap tamatuma kingorna S.I.K. malillugu akissarsiaqaannarnissaq Pinerluttunut Isumaginnittoqarfíimi pisortamit akuerineqarsinnaavoq.

Kalaallit Nunaanni Pinerluttunik Isumaginnittoqarfík, ulloq 7. december 2009

THOMAS NICOLAJSEN